



KOMUNIKADO PA PRENSA

Fecha
20 mei 2016

Kolaboradó di Maneho
Corinne Leysner

Email
corinne.leysner@gobiernu.cw

DJADUMINGU ANOCHI TA SIGUI MARKA KAYA

Willemstad – Awor ku trabou di marka figura na Emancipatie boulevard Don Martina a finalisá, ta sigui ku Nijlweg for di Frater Radulphusweg bai Palu Blanku. E trabou ta tuma lugá, segun planifikashon, riba djadumingu anochi for di 8’or di anochi te ku 4’or di mainta. Durante di e trabounan e kaminda ta será na ambos banda, pero tráfico ta desviá via di Frater Radulphusweg, Weg naar Welgelegen i Schottegatweg West pa yega na Palu Blanku. Despues di 4’or di mainta, Nijlweg ta habrí normal pa tráfico.

Ku e proyekto di markamentu di kaya ku material dos komponente, Minister di Tráfico, Transporte i Planifikashon Urbano, sra. Suzy Camelia-Römer ta boga pa hasi e kayanan di Kòrsou mas sigur pa tráfico. Na mes un momento ta evitá di gasta sèn di komunidad na fèrf no duradero ku ta kita muchu lihé for di nos kareteranan. Ministerio di Tráfico, Transporte i Planifikashon Urbano pa medio di Servisio di Obra Públiko i polis tékniko ta pidi públiko pa tene kuenta ku e trabounan i pa kore ku koutela.